



Boto abertzalearen bilakaera



Abertzaleen bozak etenik gabe gora

BOTO BILAKAERA. Hauteskunderen hauteskunde, abertzaleen tokia sendotu da eta indar ekidiezin bihurtu dira.



EGUNKARIA

Jean-Michel Galant, azken kantonamendu bozetan ABk Baigorri lortutako garaipena ospatzen, ondoan Richard Irazusta duela.

Eneko Bidegain | BAIONA

Biharko hauteskundeak, Frantziako Legebiltzarrerakoak, zailenak izan ohi dira alderdi abertzaleentzat. Zailenak, diputatu baten lortzeko aukera izpirik ez daukatelako, bi itzuliko hauteskunde sistemen ondorioz. Zailenak dira, halaber, estatu mailako eztabaida politikoa nagusitzen delako, hots, ezkerren eta eskuinaren arteko lehia, datorren gobernuaren bezperan.

Lehia hori are gogorkiago jotzeko da aurrean, lehendakari-tzarako hauteskunde ondotik, eztabaida kohabitazioaren inguruan zentratu baita. Alder-

di txikiak nahiko bazterturik gelditzen dira eta abertzaleak, estatu mailako eztabaidatik aparte, Euskal Herria baita hauen kezka eta ez Frantzia.

Udal eta kantonamendu hauteskundeek baino zailtasun gehiago sortzen dute legebiltzarrerakoak. Baina zailtasun hori garrantziari lotua da. Hauteskunde erabat politikoak dira, proiektu politikoa proiektu politikoren aurka. Abertzale bozkatzaren duenak, oroz gainetik abertzaletasunaren alde bozkatzaren du. Udal hauteskundeetan, zerrendak irekiagoak dira eta programak udalaren kudeaketari lotuak. Kantonamenduetako bozetan, hautagaiaren per-

DIPUTATU BOZAK

Abertzaleentzat hauteskunde zailenak badira ere, proiektu abertzaleak duen babes neurtzeko balio dute

tsonalitateak garrantzia handia du, ia politikak baino gehiago. Aski da ikustea zenbait kantonamendutan hautagai batetik bertara gertatu izan den aldea, boz kopuruari dagokionez.

Marjinalitate botoen %10 lortzeko mugaraino jauzia

Legebiltzarrerako hauteskundeetan abertzaleek lortzen dituzten emaitzak, abertzaletasuna Ipar Euskal Herrian nola errotua den neurtzeko baliatzen dira. Eta hauteskunde hauteskunde, abertzaleek boto kopurua eta portzentaia beti igo dira. Enbata alderdiak % 4,63 eskuratu zituen 1967an. Geroztik, 1986a bitartean, ez ziren beti aurkeztu, eta ez ziren emaitza marginaletatik ateratzen.

1986an, EMA aurkeztu ondoren, abertzaleak hauteskunde guztietan agertu ziren eta, 1988an, jadanik, indarrak baten hasi ziren. Hauteskunde hauteskunde, legebiltzarrerako hautagaiak, hamaika urte barne, %4,29tik %9,33ra heldu dira, AB eta EA-EAJren bozak gehituz.

90eko hamarkada, zatiketa-aren hamarkada izan zen aber-

tzaleentzat. 1992an lehen aldikotz, bi zerrenda aurkeztu ziren eskualde hauteskundeetan, EA ez baitzen ABekin aurkeztu. Geroztik, hauteskunde gehienetara abertzaleak bitan banaturik aurkeztu izan dira. Halere, abertzaleen emaitzek beti gora egin dute. EA-EAJko hautagaiak lehian sartzeak, baliteke, ABren gorakada mugatu zuen. Baliteke ere, hiru alderdiak batera aurkeztuz, EA-EAJk lortu zituen boto berriak ez ziren abertzaleengana joanen.

Baturik edo zatiturik, abertzaleak marjinala izatetik indar ekidiezin bihurtu dira. Hauteskundeetan arbitro gisa hartuak dira eta hautetsiek edo hautetsi bihurtzeko esperantza dutenek abertzaleek plazaratzen dituz-

ten ideiak kontuan hartzen dituzte eta beren programetan aipatzen. Eta, hori baino gehiago, zenbait eskualdetan abertzaleak, arbitro postutik boterearen eskuratzea iritsi dira. Iaz, ABko hautagai bat, Jean-Michel Galant, kantonamenduetako hauteskundeetako irabazle atera zen Baigorri.

Aurtengo egoerak beritasunak baditu. Ezker abertzalea lehen aldikotz zatiturik aurkeztuko da. Batasunak *Demokrazia* bozkatzaren aldeko kanpainaren ondorioz, ABk boz batzuk gutxiago eskuratuko ditu. Galdera da ea bost urtez irabazi duen atxikimendua eta zatiketaren ondorioz galduko duen arteko desberdintasuna zenbatekoa den.

tokiko agenda 21

OIARTZUN

Etorkizunari aurre hartzen BILERA IREKIAK- EZTABAIDAK

EKAINAREN

13an-7,30etan: ETXEBIZITZAK.

Moderatzailea: Andoni Etxezarreta (Oiarzungo arkitektoa)

20an-7,30etan: GARRAIOA-MUGIKORTASUNA.

Moderatzailea: Josu Benito (Donostiako Udaleko teknikaria)

27an-7,30etan: EMAKUMEA, HIRI-ANTOLAMENTUA.

Moderatzailea: Pilar Mayo (Iruñeko Udaleko emakume gaitako teknikaria)

TOKIA: Manuel Lekuona Udal Biblioteka



OIARTZUNGO UDALA

ALDERDI TRADIZIONALAK

Jauntxoaren eragina apaltzen ari

Abertzaleen emaitzen gorakadarekin batera, alderdi tradizionalak hautetsien eragina apaltzen hasi zen duela zenbait urte. Michel Intxauspe diputatu garaztarra beti lehen itzulitik hautatzen zuten diputatu. Jendeak masiboki bozkatzaren haren alde. Duela bost urte bigarren itzulian baizik ez zuen lortu hautatua izatea. 1992an, kantonamenduko hauteskundeetan, lehen aldikotz lehen itzulian bozen erdiak lortu gabe gelditu zuen. Eta hori, abertzale bat % 30era hurbildu zelako. Urteak urtera, Intxausperen boto kopurua apaldu zen. Michele Alliot-Mariek ere, boto ugari galdu du hauteskunde batetik bertara, nahiz eta beti irabazi. Egonkortasunik gabeko hautesbarrutia, bosgarrena da. Sozialistek batzuetan beherakada handia jasaten dute, batzuetan gora doaz. Estatu mailako gorabehera politikoen arabera emaitzak lortzen dituzte eskuiak eta ezkerak Baiona eta Angulu inguruetan.